

48. अन्तश्चराणां मरुतां प्राणादीनाम् । MALL.

49. *Recentis lunae*, illius scilicet, quam SIVAS in capite gestat.

50. Novem plerumque corporis portae commemorantur a scriptoribus, quas singulatim enumerare vix necessarium videtur. Inde corpus appellatur *urbs novem portis instructa*. *Bhag. G. V.*, 13. — Interdum vero de undecim portis sermo est, e.g. *Katha Upanish.* p. 10, l. 2. ubi corpus appellatur *पुरमेकादशद्वारम् urbs undecim portis instructa*. Ibi enim umbilicus tanquam decima porta numeratur, atque foramen in vertice capitis tanquam undecima. Vide SANKARAM ad h. l.

51. *Ne cogitatione quidem subigendum*; usitatissimus loquendi modus, pro: *de quo subigendo ne cogitari quidem potest*. Ita *Raghuv.* II, 27. सा दुष्प्रधर्षा मनसापि हिंस्रैः illa vel cogitatione aegre subigi potest a belluis; atque *Hitop.* 48, 22. मनसापि नैतत्कर्तव्यम् *ne cogitari quidem debet de hac re facienda*.

52. सन्धुक्षयन्ती पुनरुज्जीवयन्ती । MALL.

53. सिन्दुवार MALL. निर्गुण्डीकुसुम । (*Vitex Negundo*).

55. *Apta loca cognoscente*, i.e. qui scit, quanam personae dignae sint, quibus res pretiosae confidantur.

57. *Facinus suum rursus perpetrare optavit*. Antea enim, cum SIVAM conspiceret (sl. 51.), omnem illius subigendi spem abiecerat; iam vero PÁRVATIS pulchritudo animum ei reddidit.

58. Coniunctio च in duabus propositionibus repetita indicat, inter duas actiones quam minimum temporis intercessisse. Ita ad *Raghuv.* X, 6:

ते च प्रापुरुदन्वन्तं बुबुधे चादिपूरुषः ।

MALLINÁTHAS dicit: गमनप्रतिबोधयोरबिलम्बार्थौ चकारौ । — Conf. *Kum. Sambh.* III, 68. *Sakunt.* 60, 16. 17. 122, 1-4.

59. Sensus hic est: SIVAE corpus, dum ipse in meditatione defixus spiritum continebat, levius redditum, nunc, cum spiritum rursus emitteret, ingens suum pondus recuperavit, ita ut SESHAS serpens, in cuius capite terra requiescit, hanc a SIVA depressam vix sustinere valeret.

68. स्फुरद्वालकदम्बकल्पैः विकसत्कोमलनीपविटपसदृशैः पुलकितैरित्यर्थः । MALL.